

# Լեւոն Գաթրոճեան՝ ԶԲԸՄԻ Ոսկեայ Տարիքի հաւաքոյթին



17 Զոկտեմբեր 2007 չորեքշաբթի օրուան հաւաքին ժամէ մը ի վեր Ոսկեայ Տարիքի անդամները եւ հիւրերը կը զուարճանային: Յանկարծ պինկօ, պար, խօսակցութիւն դադրեցան երբ Պրն. Յակոբ Մելքոնեան, ԶԲԸՄԻ Ոսկեայ Տարիքի ատենապետը, յայտարարեց օրուան հիւր երգիչ Լեւոն Գաթրոճեանի գալուստը:

Գաթրոճեան ծնած է Զալէպ 1940ին: Քսան տարեկանին անցած է Պէյրութ ուր հետամուտ կ'ըլլայ իր բնատուր ձայնը զարգացնել Լիբանանի Պետական խօսակցութեան խօսք՝ Պարոյր Սեւակի. Անո Պապաջանեանի 2750 *Տարեկան*-ը խօսք՝ Գեորգ Էմինի. Ալ. Յարութիւնեանի *Հայաստանի Ծով Գինին*. Ե. Սահարունիի *Մայրիկիս*, խօսք՝ Ալ. Իսահակեանի ու տակաւին նոր Արցախեան հայաշունչ երգեր:

Լեւոն Գաթրոճեան երգած է զուգերգեր Հայաստանէն Լիբանան շրջագայող պետական երգչուհիներու հետ: Երգացանկին վրայ ունի իր իսկ յօրինածները, մէկը միւսէն անուշ որոնցմէ՝ յիշենք *«Եարը մարդու եարա կու տայ»*, *«Էլ ո՛ւմ երգեն»*, *«Ես մի խօսնակ թառ ունէի»* ու տակաւին շատ մը երգեր: Այս վաստակաւոր երգիչը տուած է երկու հազարէ աւելի համերգներ: Բայց մեր կարծիքով մէկը չկրնար հասնիլ *Աւէք Լեռներ*, *Խօսէք Լեռներ* նաեւ Հայ Զերոսների երգը *Բաժակները բարձրացնենք* ամենայուզից հայրենասիրական երգերուն եթէ ոչ Լեւոն Գաթրոճեան:

Աչքերը կանաչուկ, նոյն համեստ մարդը, հայ ժողովուրդին քաջութիւնը երգող, հինը վերակենդանացնող ու նորը պանծացնող, հայ արուեստագետը պահեր է իր աստուածատուր պարգելը, փայլուն ջերմ ձայնը, ընդհանրապէս ուժեղ ու լայն, երբեմն կարօտագին, բայց երբէք լալագին: Գաթրոճեան չզլացաւ ներկաներուն փափաքը գոհացնել: Հակառակ իր յոգնութեան եւ անքնութեան երգեց զրկաբաց ու երգեց սրտաբաց: Մեծ հաճոյքով մտիկ ըրինք հարիւր տարիներ առաջ երգուած Մշեցի մօր *Ջարթիր լաօն*. Ա՛խ այդ *մրշմիմ*-ը: Նոր Արցախեան հայրենավառ երգեր մինչեւ հասաւ *Տըլէ Եամանը* երեցներուն խնդրանքին համաձայն: Խոնարհութեամբ մտիկ ըրինք: Արդեօք Գաթրոճեանի յուզիչ ձայնն էր որ տարաւ մեզի մեր երիտասարդութեան օրերը: Անմոռանալի ապրումներ: Շնորհակալութիւն վարպետ:

Մեր սրտագին շնորհակալութիւնը կը յայտնենք մասնաւորաբար Լեւոն Գաթրոճեանի ձեռնարկուին (impresario), Mère Miliaի նոր երիտասարդ ճաշարանապետ Պրն. Վիգէն Չերչեանի որ հաճեցաւ Լոս Անճելըսէն իր ծախսերով ժամանած երգիչին ներկայութեամբ հայ երեցները ուրախացնել: Ահա երկրորդ անձի մը կարեւորութիւնը, ատենապետ Յակոբ Մելքոնեան, որուն եւս մեր շնորհակալութիւնները: Ան թէ այս հրաւերին գաղափարը յղացաւ եւ թէ ձեռնադաշնակով արհեստավարժօրէն ընկերացաւ Գաթրոճեանի: Շնորհակալութիւն նաեւ ԶԲԸՄԻ քարտուղարուի Բահել Ուրֆալեանի որ խանդով կառավարեց այս անակնկալ հանդէսը: Չորեքշաբթի օրերը Բահելը գրասենեակի անհամար գործերը վերը կը ձգէ ու կ'իջնայ վար երեցները հոգալու: Շնորհակալութիւն նաեւ ճաշ եւ սուրճ սպասարկող ժպտադէմ տիկիներուն:

Սիրելի Լեւոն Գաթրոճեան, թոյլ տուէք ընելու մեր սրտին խօսքը՝ Սայաթ Նովայի ոճով.

*Քիզ նման, քիզ նման,  
Դուն իս աննման:*

Ք. Տրդատեան Գոյումճեան